

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

**Odbor za ekonomsku i razvojnu politiku,
finansije i budžet**

Broj: 02/11-02-1356/17

Sarajevo, 06.07.2017. godine

**DOMU NARODA
PARLAMENTA FEDERACIJE BIH**

Na 24. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH, održanoj 06. jula 2017. godine razmatrane su sljedeće tačke dnevnog reda:

1. Prijedlog zakona o izmjenama i dopunama Zakona o unutrašnjoj trgovini,
2. Nacrt zakona o obrtu i srodnim djelatnostima u Federaciji Bosne i Hercegovine,
3. Godišnji izvještaj o poslovanju Javnog preduzeća „Željeznice Federacije BiH“, d.o.o. Sarajevo za 2015. godinu,
4. Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2016. godinu,
5. Izvještaj o radu Federalnog zavoda za zapošljavanje za 2016. godinu,
6. - Izvještaj o radu Agencije za bankarstvo Federacije Bosne i Hercegovine za 2016. godinu,
- Informacija o bankarskom sistemu Federacije Bosne i Hercegovine na dan 31.12.2016. godine,
- Informacija o mikrokreditnom sistemu Federacije Bosne i Hercegovine sa stanjem na dan 31.12. 2016. godine,
- Informacija o sektoru lizinga Federacije Bosne i Hercegovine sa stanjem na dan 31.12. 2016. godine,
- Izvještaj o radu samostalnog odjela Ombudsmena za bankarski sistem Federacije Bosne i Hercegovine za period 1.1.2016. – 31.12. 2016. godine,
7. Kvartalni izvještaj o dugu Q1/2017. godine,
8. Izvještaj o zaduženju Federacije Bosne i Hercegovine po osnovu emisije trezorskih zapisa na dan 11.4., 25.4. i 9.5. 2017. godine.

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03, 21/09) Odbor za ekonomsku i razvojnu politiku, finansije i budžet podnosi Domu naroda slijedeći:

I Z V J E Š T A J

1. Prijedlog zakona o izmjenama i dopunama Zakona o unutrašnjoj trgovini

Predstavnik predlagača obrazložio je razloge i ciljeve izmjena i dopuna postojećeg zakonskog rješenja. Članovi Odbora konstatovali su izvjesna poboljšanja pojedinih segmenata i rješenja u odnosu na postojeći tekst zakona. Imajući u vidu da se, pored navedenog, usvajanjem predloženog teksta zakona, stvaraju uslovi za ispunjavanje međunarodnih obaveza BiH iz Sporazuma o stabilizaciji i pridruživanju i ugovora o slobodnoj trgovini, članovi Odbora predlažu Domu naroda da Prijedlog zakona o izmjenama i dopunama Zakona o unutrašnjoj trgovini razmotri i usvoji u tekstu kako ga je predložila Vlada Federacije Bosne i Hercegovine.

2. Nacrt zakona o obrtu i srodnim djelatnostima u Federaciji Bosne i Hercegovine

Predstavnik predlagača detaljno je prezentirao svrhu i cilj izrade novog zakonskog rješenja. U raspravi, članovi Odbora postavili su niz pitanja i dilema. Imajući u vidu značaj i potrebu što boljeg uređenja ove oblasti, članovi Odbora predlažu Domu naroda da razmotri navedeni Nacrt i usvoji slijedeći:

ZAKLJUČAK

- 1. Dom naroda Parlamenta Federacije Bosne i Hercegovine prihvata Nacrt zakona o obrtu i srodnim djelatnostima u Federaciji Bosne i Hercegovine te smatra da može poslužiti kao osnova za izradu Prijedloga zakona.**
 - 2. Zadužuje se predlagač da organizuje i provede javnu raspravu u trajanju od 60 dana kako bi se što više stručnjaka i aktera uključilo u cilju izrade kvalitetnijih zakonskih rješenja.**
 - 3. Zadužuje se predlagač da prilikom izrade prijedloga zakona ima u vidu sve primjedbe, prijedloge i sugestije koje će biti iznesene u javnoj raspravi uključujući i one iznesene na sjednici Doma naroda.**
-
- 3. Godišnji izvještaj o poslovanju Javnog preduzeća „Željeznice Federacije BiH“, d.o.o. Sarajevo za 2015. godinu**

Predstavnik predlagača je detaljno prezentirao Izvještaj o poslovanju Javnog preduzeća „Željeznice Federacije BiH“, d.o.o. za 2015. godinu. U raspravi je konstatovano neprovođenje Zakona o finansijskoj konsolidaciji javnog preduzeća Željeznice Federacije Bosne i Hercegovine, d.o.o. Sarajevo od strane Vlade Federacije BiH, te istaknuta činjenica da Vlada Federacije BiH generalno ne poštuje odluke koje se temelje na zakonskoj obavezi doznačavanja transfera, što svakako otežava i poslovanje Željeznica Federacije BiH. Članovi Odbora predlažu Domu naroda da razmotri i usvoji Godišnji izvještaj o poslovanju Javnog preduzeća „Željeznice Federacije BiH“, d.o.o. Sarajevo za 2015. godinu uz slijedeći:

ZAKLJUČAK

Dom naroda Parlamenta Federacije Bosne i Hercegovine sugeriše Vladi Federacije Bosne i Hercegovine da što prije provede, Zakonom o finansijskoj konsolidaciji javnog preduzeća Željeznice Federacije Bosne i Hercegovine, propisane obaveze finansiranja Željeznica Federacije BiH d.o.o. Sarajevo, te poduzme i druge neophodne aktivnosti u cilju održavanja i poboljšanja funkcionisanja željezničkog saobraćaja na nivou Federacije Bosne i Hercegovine, a i funkcionisanja cjelokupnog željezničkog saobraćaja na nivou Bosne i Hercegovine.

4. Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2016. godinu

Članovi Odbora obavili su raspravu o navedenom Izvještaju i predlažu Domu naroda da Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2016. godinu razmotri i prihvati.

5. Izvještaj o radu Federalnog zavoda za zapošljavanje za 2016. godinu

Zbog neprisustvovanja predlagača sjednici Odbora, članovi Odbora, u skladu sa članom 50. Poslovnika o radu, nisu raspravljali o ovoj tački dnevnog reda, te će svoje primjedbe i sugestije pojedinačno iznijeti u raspravi na sjednici Doma naroda.

- 6. - Izvještaj o radu Agencije za bankarstvo Federacije Bosne i Hercegovine za 2016. godinu,**
- Informacija o bankarskom sistemu Federacije Bosne i Hercegovine na dan 31.12.2016. godine,**
- Informacija o mikrokreditnom sistemu Federacije Bosne i Hercegovine sa stanjem na dan 31.12. 2016. godine,**
- Informacija o sektoru lizinga Federacije Bosne i Hercegovine sa stanjem na dan 31.12. 2016. godine,**
- Izvještaj o radu samostalnog odjela Ombudsmena za bankarski sistem Federacije Bosne i Hercegovine za period 1.1.2016. – 31.12. 2016. godine**

Predstavnik predlagača upoznao je članove Odbora sa Izvještajem o radu Agencije za bankarstvo Federacije Bosne i Hercegovine i pratećim dokumentima. Članovi Odbora predlažu Domu naroda da razmotri i usvoji navedene dokumente.

7. Kvartalni izvještaj o dugu Q1/2017. godine

Članovi Odbora predlažu Domu naroda da Kvartalni izvještaj o dugu Q1/2017. godine razmotri i usvoji.

8. Izvještaj o zaduženju Federacije Bosne i Hercegovine po osnovu emisije trezorskih zapisa na dan 11.4., 25.4. i 9.5. 2017. godine

Članovi Odbora razmatrali su Izvještaj o zaduženju Federacije Bosne Hercegovine po osnovu emisije trezorskih zapisa na dan 11.4., 25.4. i 9.5. 2017. godine i predlažu Domu naroda da isti razmotri i primi k znanju.

Za izvjestioca na sjednici Doma naroda ispred Odbora za ekonomsku i razvojnu politiku, finansije i budžet određen je predsjednik Odbora, Muhamed Kozadra.

PREDSJEDNIK
Odbora za ekonomsku i razvojnu
politiku, finansije i budžet
Muhamed Kozadra, s.r.